

ԿՐԿԻՆ ԱՆԳԱՍ ԱՆԻ-ԵՐԵՐՈՒՅՔ ՊԱՏՄԱ-ՀՆԱԳԻՏԱԿԱՆ ՄԻՋԱԶԳԱՅԻՆ ԱՐԳԵԼՈՑ ԿԱԶՄԱԿԵՐՊԵԼՈՒ ՀԱՐՑԻ ՇՈՒՐՋ ԼԱՎՐԵՆՏԻ ԲԱՐՍԵՂՅԱՆ

Տասնամյակների ընթացքում հայ ժողովուրդը մշտապես հառելով իր հայացքը դեպի Արարատ լեռն ու սահմանից այն կողմ գտնվող հայրենի հողերը, բաղձալի մի հույս է փայփայում, թե մի օր, անցնելով Արաքսն ու Ախուրյանը, ծունկի է իջնելու և փարվելու սեփական հողին:

Սահմանից այն կողմ գտնվող ազգային պատմամշակութային ժառանգության պահպանության մասին շատ է խոսվել: Սակայն այսօր էլ այդ նույն առիթով մենք բոլորս լրջորեն անհանգստանում ու տազնապում ենք, որովհետև քացառված չէ, որ վաղը կարող ենք չտեսնել այն, ինչ այսօր կա ու թանկ է բոլորիս համար: Հաշտվել այն մտքի հետ, որ հարևան երկրի տիրապետության տակ գտնվող մեր սեփական հողում այսօր չեն ապրում հայերը, չեն ապրելու վաղը, ոչ էլ մյուս օրը, գուցե և ընդհանրապես, որ նույն բախտին պետք է արժանանան մահ նրանց ստեղծած պատմամշակութային կոթողները, մենք չենք կարող:

Սահմանից անդին գտնվող մեր պատմամշակութային արժեքների պահպանման, դրանց ոչնչացման դեմն առնելու մեր ամենամեծ մտահոգություններից մեկը հայոց պատմական մայրաքաղաք Անիի հնագիտական հուշարձանների խնդիրն է:

Անիի հնագիտական հուշարձանների նկատմամբ ժամանակակից հետաքրքրության աճի ակունքները հարկ է փնտրել 18-րդ դարի երկրորդ կեսից մինչև 19-րդ դարի առաջին կեսը, այսպես կոչված՝ Եվրոպական լուսավորության դարաշրջանում: Այս դարաշրջանի գիտնականների ուշադրությունը սկսված էր մեծ մասամբ դեռևս չքացահայտված, և, թերևս, մահ փորք-ինչ խորհրդավոր Արևելքին՝ Հունաստանից ու Եգիպտոսից մինչև Հնդկաստան ու Չինաստան, ընդգրկելով Մերձավոր ու Միջին Արևելքը, որի մի մասն էր Հայաստանը:

Ընդհանուր առմամբ հիմնականում ճանապարհորդների տպագիր հաշվետվությունների շնորհիվ, որոնք հաճախ ուղեկցվում էին գծանկարներով ու գունագեղ փորագրանկարներով, Եվրոպան և Ամերիկյան ծանոթացան Մերձավոր Արևելքի միջնադարի անեղի ժառանգությանը: Ուշադրությունից դուրս չմնացին մահ Անիի հնագիտական հուշարձանները: Անիի նկատմամբ հետաքրքրության երկրորդ վերելքն

ՀՈՂԱԾ-
ՆԵՐ



ամռնչվում է արդեն նրա հնագիտական սիստեմատիկ ուսումնասիրություններից, որոնք իրականացնում էր Ռուսական կայսրության գիտությունների ակադեմիան: Հնագիտական պեղումները սկսվեցին 1892 թվականին, որոշ ընդհատումներից հետո վերսկսվեցին 1904 թվականից ու շարունակվեցին մինչև 1917 թվականը՝ Նիկողայոս Մառի գլխավորությամբ:

Աճիի նկատմամբ հետաքրքրության երոդդ վերելքն ամռնչվում է Թուրքիայի գործարար շրջանների կողմից վերջին երկու տասնամյակում զրոսաշրջկության զարգացման հետ, երբ յուրաքանչյուր տարի Կարսի նահանգ է այցելում միջին հաշվով 50-60 հազար զրոսաշրջիկ: Իրոք՝ վերջին տարիներին որոշ թուրք գիտնականներ հետաքրքրություն են ցուցաբերում Աճիի հուշարձանների հանդեպ: Հրապարակի վրա են Աճիի վերաբերյալ առանձին ուսումնասիրությունների արդյունքները: Վերսկսվել են հնագիտական պեղումները, նույնիսկ ձեռնարկվել են Աճիի առանձին հուշարձանների վերականգնման աշխատանքները: Այս աշխատանքների գոյությունը սակայն ամբողջական համարել չի կարելի, և, փաստորեն, հնագիտական այս ողջ տարածքի նկատմամբ միջազգային հանրության ուշադրությունը հրավիրելը դառնում է խիստ անհրաժեշտություն և այժմեական: Եվ այսօր հարկավոր է կրկին ու կրկին ահազանգել Աճիի պատմամշակութային անգերազնահատելի ժառանգությունը կորստից փրկելու մասին, այդ ժառանգությունը խեղաթյուրումներից զերծ պահելու, մարդկային ամեղծագործ մտքի այդ անգերազնահատելի արգասիքը հաջորդ սերնդներին անխաթար հասցնելու մտահոգությամբ: Այդ պարագայում հարկավոր են մի շարք անհապաղ քայլեր, որոնցից կարևորագույններից մեկը, մեր կարծիքով, Աճին ՅՈՒՆԵՍԿՕ-ի Համաշխարհային ժառանգության ցուցակում ընդգրկելն է:

Դեռևս 1970 թվականին այս հարցն առաջին անգամ քարծրացրեց հայ ճարտարապետության լավագույն գիտակներից մեկը՝ Պաոլո Կունենոն: ՅՈՒՆԵՍԿՕ-ի կողմից հրատարակվող «Մոնումենտում» պարբերականում հրատարակված «Աճի քաղաքի ավերակները: Արևելքում միջնադարյան հայկական մայրաքաղաք: Պահպանության և արժեքավորման հրատապ մի խնդիր» խորագիրը կրող հոդվածում՝ Պաոլո Կունենոն ի պատասխան իր իսկ. «Ի՞նչ պետք է անել, որպեսզի նման անգնահատելի հարստությունը՝ Աճիի պատմական վայրը պահպանվի և արժեքավորվի համաշխարհային մշակույթի ընդհանուր շրջանակում» հարցադրմանն առաջարկում է տարբեր երկրների և Թուրքիայի մասնագետների համատեղ ջանքերով ձեռնարկել Աճիի հնագիտական տարածքի ամբողջական չափագրությամբ, հուշարձանների ցուցակագրմանը և հաշվառմանը, շարունակել պեղումները և հուշարձանների վերականգնումը:

Խիստ ուշադրության արժանի այս նույն հոդվածում Պաոլո Կունենոն, մասնավորապես, գրում է. «Գիտականորեն այսպիսի կարևոր նախաձեռնությունը մշակույթի համար համաշխարհային արձագանք կունենա՝ միաժամանակ տնտեսական հետաքրքիր հետևանքներ, կզարգանա մասնագիտական տուրիզմը... կտեղծվեն նոր կապեր, կկազմակերպվեն գիտահետազոտական արշավախմբեր, իսկ տեղացի աշխատավորների՝ պեղումների և քարտաշների համար կբացվեն աշխատանքի նոր հնարավորություններ: Մինչդեռ Աճին, որ անժխտելիորեն մեծ արժեք ունի, մնում է գրեթե անծանոթ, այցելուներից մեկուսացված և եթե որոշում չկայացվի ավերման ընթացքը կստեղծելու մասին, նրան վիճակված է կորչել մոռա-

ցության մեջ»:²

Պատվո Վուրեմոն ողջ հոգով նվիրվել էր Աճիի հուշարձանների պահպանման խնդրին, դարձել նրա լավագույն քարոզիչը: Նրա գրչին են պատմակում Աճիին նվիրված բազմաթիվ հոդվածներ և մեմագրություն:³ Ու երբ թերթում ես նրա աշխատանքները, զարմանում ես թե իրոք Աճին ինչպիսի խոր հետք է թողել նրա մեջ: Մի կողմ թողնելով մասնագիտական դիտողությունները, նա երբեմն թույլ է տալիս գեղումներ, բանաստեղծական, հուզական դրսևորումներ, որոնք մենք կարող էինք տեսնել միջնադարյան հեղինակների, Խաչատուր Աբովյանի, Հովհաննես Թումանյանի, Լեոյի, Ավետիք Իսահակյանի և Աճիով զնայված շատ-շատերի մոտ:

Եվ այդ բոլոր գործերում երևակվում է նրա՝ Աճիի պատմաճարտարապետական անգնահատելի արժեքը գիտակցող արվեստաբանի, գիտնականի, Աճիին նվիրված՝ երբեմն նույնիսկ գիտական ոճին «անհարիր» հուզական որակումները: Ահա օրինակ. «Վիթխարի մի քարափի վրա... իրենց բանաստեղծական մեղության մեջ կանգնած են Աճիի բեկորները: Խորհրդավոր լուծություն է, սառը քամիները փչում են դատարկ կամարների միջով և թափահարում քարակերտ առյուծի բաշը, որը դարեր շարունակ միայնակ կանգնած է այնտեղ, որպես պահակ՝ վաղեմի Հայաստանի անցած փառքն արտահայտող բեկորների վրա»:⁴

Անցած 180 տարիների ընթացքում Աճին տեսել ու նկարագրել են բազմաթիվ հայեր ու օտարագիւղներ՝ ճանապարհորդներ, ճարտարապետներ, հնագետներ, պատմաբաններ, բանաստեղծներ, գեղանկարիչներ և լուսանկարիչներ: Եվ նրանցից յուրաքանչյուրն ուրույն ձևով է բնութագրել իր տեսածն ու զգացածը: «Աճին կարելի է նկարագրել անթիվ անգամ, ինչպես նկարագրում են արշալույսը, լուսինը, ծովը, գեփյուղը, որովհետև նա էլ այդպիսի մի երևույթ է մեր մարդկային աշխարհում», - դեռ 1905 թվականին գրել է Լեոն:⁵

Եվ ահա՝ 1989 թվականի հոկտեմբերին Նյու-Յորքում, գերաշնորհ տեր, արքեպիսկոպոս Մեսրոպ Աշյանի անձնական նախաձեռնությամբ հրավիրվեց միջազգային գիտաժողով նվիրված Աճի մայրաքաղաքի հազարամյակին: Առանձնակի կարևոր էր այդ գիտաժողովում Պատվո Վուրեմոյի գեկույցը, ուր նա հանդես եկավ Աճին միջազգային արգելավայր ստեղծելու մասին առաջարկով: Նա գտնում էր, որ Աճիի պահպանությունը պահանջում է երկու հարևան երկրների համագործակցությունը և փոխադարձ համաձայնությունն Ախուրյան գետի աջ և ձախ ափերին գտնվող պատմաճարտարապետական հուշարձանների և հնագիտական վայրերի համատեղ օգտագործման մասին: Պ. Վուրեմոն առաջարկում էր հիմնել Միջազգային հնագիտական արգելոց, որը կընդգրկի թե՛ Աճիի, թե՛ Երեբրույքի տարածքները: Արգելոցի կազմակերպման նախագիծը, որը մշակել էր Վուրեմոն Հայկական ճարտարապետական հետազոտությունների Հոմմի կենտրոնում, բաղկացած էր երկու տարբերակից: Այդ նախագիծ-քարտեզներից առաջինը (1-200000 հարաբերությամբ) ներկայացնում էր ավելի խոշոր աշխարհագրական միջավայր, առանց միջազգային քաղաքական սահմանների, Կարս-Գյումրի-Թալին առանցքով: Նախագիծ-քարտեզներից երկրորդը (1-25000 հարաբերությամբ) հիմնականում պարունակում էր.

1. Տարածաշրջանը՝ բաժանված սահմանափակման երկու գոտու, մեկը՝ «պաշտպանված շրջանի», մյուսն ավելի շեշտված՝ «սահմանափակ շրջանի»:

2. Պատմական հուշարձանների գոտիները, որոնք Աճիից բացի, ընդգրկում են Մաղազերեղի ամրոցը, Բազմայր կուսանոցը, Հռոմոսի կուսանոցը, Թայլարի եկեղեցին՝ Ախուրյան (Արփաչայ) գետի արևմտյան կամ թուրքական ափին, Երեբունյքի բազիլիկ տաճարը և Հայկաձորի եկեղեցին՝ արևելյան կամ հայկական կողմում:

3. Արգելոցի երկու հիմնական մուտքերի տարածքը, մեկը՝ Երեբունյքի մերձակայությամբ, մյուսը՝ հենց Աճիի պարիսպներից դուրս, որտեղ տեղադրվելու էին հնագիտական հետազոտությունների միջազգային կենտրոնները:

4. Արահետների օգտագործման հնարավորությունը սահմանի երկու կողմերում, ոչ միայն հետիոտն, այլև ձիավոր այցելուների համար:

5. Այցելուների համար շարժման ճանապարհների ուղղությունները: Խիստ ուշագրավ այս նախագծային առաջարկությունն իր մահից առաջ Պ. Կունեոն հայկական ճարտարապետական հետազոտությունների Հոմի կենտրոնի անունից ուղարկեց Հայաստանի գիտությունների ակադեմիային ակադեմիա, որտեղ այն երկար ժամանակ անուշաղբության մատնվեց:

1990թ. հոկտեմբերի 19-ին Հայաստանի Հանրապետության Միհրաթների խորհուրդը, քննարկելով Ֆրանսիայի Մտրասբուրգ քաղաքում կայացած հայ ճարտարապետական և մշակութային ժառանգության պահպանությանը նվիրված միջազգային գիտաժողովի հարցադրումների մասին հարցը և կարևորելով հանրապետության սահմաններից դուրս գտնվող հայկական հուշարձանների պահպանման գործը, իր թիվ 480 որոշմամբ կազմակերպեց Աճիի պահպանության և ուսումնասիրման միջազգային գիտական կենտրոնը:

Հանրապետության կառավարությունն իր որոշմամբ հանձնարարեց հուշարձանների պահպանության պետական մարմին՝ Հայաստանի միջնադարյան մայրաքաղաք Աճիի և Թուրքիայի տարածքում գտնվող հայկական հուշարձանների վիճակը պարզելու և հետազայում դրանց պահպանությունն ապահովելու համար սեղմ ժամկետում ուսումնասիրել և կառավարություն առաջարկություն ներկայացնել խորհրդա-թուրքական գիտական, մշակութային և տնտեսական համագործակցության գոյություն ունեցող երկկողմանի պայմանագրերի շրջանակներում խորհրդա-թուրքական համատեղ գիտական արշավախմբեր ստեղծելու և հայ մասնագետներին դրանց մեջ ընդգրկելու հնարավորության մասին:

Աճիի պահպանության և ուսումնասիրման միջազգային գիտական կենտրոնի ստեղծումից հետո, մեր խնդրանքով և, հատկապես, Պաուլ Կունեոյի համաձայնությամբ (որն, ի դեպ, հանդիսանում էր վերոհիշյալ կենտրոնի փոխնախագահը) նախագծերը հանձնվեցին կենտրոնին:

1993թ. «Աճի» պարբերականում հրապարակվեց Պ. Կունեոյի նյութորջյան զեկուցումը:

1992թ. օգոստոսին ՀՀ արտաքին գործերի նախարարության միջոցով, ապա, երկու ամիս անց, փոստային կապով Թուրքիայի Հանրապետության պրեզիդենտ Է. Օզալին և Թուրքիայի Հանրապետության վարչապետ Ս. Դեմիրելին Աճիի պահպանության և ուսումնասիրման միջազգային գիտական կենտրոնի կողմից հղվեցին երկու գրություն, ուր, մասնավորապես, Թուրքիայի Հանրապետության ղեկավարության ուշադրությանն էին ներկայացվում 1988թ. դեկտեմբերի 7-ի երկրաշարժի հետևանքով

ԱՆԻի տարածքում գտնվող հուշարձանների, հատկապես՝ ԱՆԻի Մայր տաճարին հասցված վնասների վերացման հարցերը:

Ստորև ներկայացնում ենք Թուրքիայի ղեկավարությանը հասցեագրված այդ ընդարձակ գրությունից մի հատված.

«ԱՆԻի պահպանության և ուսումնասիրման միջազգային գիտական կենտրոնը դիմում է Ձեզ ներքոհիշյալ առաջարկություններով և խնդրում դրանք քննարկել և ընթացք տալ:

1. Նախնական տվյալների համաձայն 1988թ. դեկտեմբերի 7-ի երկրաշարժից մեծապես տուժել է հայ ճարտարապետության գլուխգործոցներից մեկը՝ ԱՆԻի Մայր տաճարը, որը կառուցվել է 1001 թվականին: Փլուզվել է տաճարի հյուսիս-արևմտյան անկյունը, որի հետևանքով խաբխիվել է ամբողջ կառույցը և եթե անհրաժեշտ վերանորոգման և ամրացման աշխատանքներ չձեռնարկվեն, ապա մոտ ապագայում ավերակի կույտի կվերածվի դեռևս կանգուն եկեղեցին:

Ուստի առաջարկվում է Ձեր թույլտվությունը և համաձայնությունը՝ ձեռնարկելու տաճարի վերականգնման և ամրացման աշխատանքները, որոնց իրականացումը հնարավոր է կատարել հայ շինարար վարպետների և ճարտարապետների ուժերով, ԱՆԻի պահպանության և ուսումնասիրման միջազգային գիտական կենտրոնի ֆինանսական միջոցների հաշվին: Այդ աշխատանքներին մասնակցելու է մասնակից դարձնել նաև Թուրքիայի, Իտալիայի, ԳՖՀ-ի և Բուլղարիայի մասնագետներին:

Եթե համաձայնությունը ձեռք բերվի, ապա մասնագետներից բաղկացած խումբը 1992 թվականի հունիս-հուլիս ամիսներին կարող է սկսել տաճարի ուսումնասիրման և վերականգնման աշխատանքների փաստաթղթերի կազմման գործը և զուգահեռաբար տասը մարդուց բաղկացած քարտաշ վարպետների խմբով ձեռնարկել տաճարի տարածքի մաքրման և հիմքերի ամրացման աշխատանքները:

2. Նկատի ունենալով, որ ԱՆԻ քաղաքում վերջին տարիներին պարբերաբար կատարվում են հնագիտական պեղումներ թուրք գիտնականների և այլ երկրների մասնագետների կողմից, առաջարկվում է ընդհանրապես ստեղծել միջազգային հնագիտական արշավախումբ և նրա աշխատանքներին մասնակից դարձնել նաև հայ գիտնականներին:

Այս նպատակի համար ԱՆԻի պահպանության և ուսումնասիրման միջազգային գիտական կենտրոնը պատրաստ է իր վրա վերցնել պեղումներին մասնակցող հինգ հնագետների, երկու ճարտարապետների և մեկ լուսանկարչի, ինչպես նաև համաձայնության դեպքում Հայաստանի կողմից պեղման աշխատանքները կատարող քսան հոգուց բաղկացած հայ քանվորների խմբի պահպանման բոլոր ծախսերը և վարձատրությունը:

Հարցի դրական լուծման դեպքում մեր ուժերով և ֆինանսական միջոցներով ԱՆԻում հնագիտական արշավախմբի համար կկառուցվի անհրաժեշտ բազա՝ իր բոլոր հարմարություններով (հյուրանոց, քանդարան, գրասենյակ, պահեստներ, ճաշարան, ֆոտոլաբորատորիա, հայտնաբերված իրերի վերականգնման լաբորատորիա):

3. ԱՆԻ քաղաքի տարածքում պահպանված ճարտարապետական հուշարձանները հետագա կորստից փրկելու նպատակով առաջարկվում ենք ստեղծել ԱՆԻի հուշարձանների կոմսերվացման և վերականգնման միջազգային հանձնաժողով, որի կազմում կընդգրկվեն Թուրքիայի, Հայաս-

տանի, ԱՄՆ-ի, Անգլիայի, Ֆրանսիայի, Իտալիայի, ԳՖՀ-ի, Բուլղարիայի և Լեհաստանի մասնագետները:

Փոխադարձ համաձայնության և պայմանավորվածության դեպքում 1992 թվականի օգոստոս ամսին կարելի է Անիում կազմակերպել հուշարձանների վերականգնմանը մասնակցող երկրների ներկայացուցիչների հանդիպում, տեղում ուսումնասիրել և հաշվառման վերցնել հուշարձանները և կազմել համատեղ աշխատանքների տասնամյա ծրագիր:

Անիի տարածքում գտնվող հուշարձանների վերականգնման, ամրացման և կոնսերվացման բոլոր տեսակի աշխատանքների ֆինանսավորումը, բանվորական ուժի և շինանյութի ապահովումն իր վրա է վերցնում Անիի պահպանության և ուսումնասիրման միջազգային գիտական կենտրոնը:

Հայաստանից Անի կիսադաշտում շարժական տնակներ (որպես հանրակացարան), շինանյութ (քար, ավազ, ցեմենտ, մետաղ, փայտ), մեխանիզմներ և սարքավորումներ (շարժական էլեկտրակայան, ավտոմեքենաներ, ավտոկռուկներ, բուլդոզերներ, էքսկավատորներ, քար կտրող դաժգահներ և այլն):

4. Անի քաղաքի և կից տարածքներում պահպանված պատմադրատարապետական հուշարձանների պահպանության գործը քարելավելու նպատակով առաջարկվում է Անի քաղաքը հայտարարել պատմամշակութային միջազգային արգելոց-թանգարան, կազմել արգելոցի օգտագործման ու դեկավարման կանոններ և կարգավիճակը հաստատող միջպետական փաստաթղթեր:

Նախատեսվում է ստեղծել արգելոց-թանգարանի միացյալ դիրեկցիա և որոշել յուրաքանչյուր կողմի պարտականությունները և պարտավորությունները հուշարձանների պահպանության քննադատում:

Երկու համադիրեկտորների (մեկը՝ Թուրքիայից, մյուսը՝ Հայաստանից) կողմից դեկավարվող միացյալ դիրեկցիայում աշխատելու համար յուրաքանչյուր տարի Հայաստանից Անի կգործուղվեն համապատասխան մասնագետներ (հավանաբար ընտանիքներով), որոնք որոշակի ժամկետում կկատարեն իրենց պարտականությունները և պայմանագրային ժամկետը լրանալուն պես ետ կվերադառնան: Նույն սկզբունքով կաշխատեն նաև նրանց փոխարինողները:

Փաստորեն «Անի» միջազգային արգելոց-թանգարանը կկորդինացնի և կդեկավարի Անիի տարածքում կատարվող բոլոր կարգի աշխատանքները՝ հնագիտական պեղումները, հուշարձանների կոնսերվացումը և վերականգնումը, տուրիստական սպասարկումը (այցելուների ընդունումը, ուղեցույցների հրատարակումը):

Արգելոց-թանգարանի միացյալ դիրեկցիայում աշխատող Հայաստանի Հանրապետության ներկայացուցիչների աշխատավարձը և նրանց պահպանման բոլոր ծախսերը կատարելու է Անիի պահպանության և ուսումնասիրման միջազգային գիտական կենտրոնը:

5. Մեր կողմից ներկայացվող վերոհիշյալ բոլոր առաջարկությունների քննարկման համար առաջարկվում է ստեղծել Թուրքիայի և Հայաստանի մասնագետներից կազմված համատեղ մշտական գործող հանձնաժողով, որի կազմում կընդգրկվեն հուշարձանների պահպանության պետական մարմինների և գիտահետազոտական հիմնարկների ներկայացուցիչները:

Ցավոք՝ բարձրացրած հարցերը մոռացության մատնվեցին: Մեր կողմից հարցը կրկին բարձրացվեց 1996թ., և արդյունքում՝ Հայաստանի Հանրապետության գիտությունների ազգային ակադեմիայի նախագահությամբ, Հայաստանի Հանրապետության Երևանի մարզպետարանը և ԱՆԻի պահպանության և ուսումնասիրման միջազգային կենտրոնը դեկտեմբերի 11-ին համատեղ որոշում կայացրեցին «Միջնադարյան Հայաստանի մայրաքաղաք ԱՆԻի պահպանության և ուսումնասիրման բնագավառում միջազգային համագործակցություն ծավալելու մասին»:

Ելնելով համաշխարհային մշակութային և բնության ժառանգության պահպանության մասին գոյություն ունեցող միջազգային փաստաթղթերի առկայությունից, ինչպես նաև Թուրքիայի տարածքում ազգային փոքրամասնությունների կողմից ստեղծած պատմական և մշակութային արժեք ներկայացնող քրիստոնեական ժառանգության պահպանության մասին Թուրքիայի Հանրապետության 1961թ. հուլիսի 9-ի Սահմանադրության (50-րդ հոդվածի 5-րդ մաս) պահանջներից, Եվրոպայի խորհրդի կողմից 1985թ. հոկտեմբերի 3-ին Գրենադայում ստորագրված «Եվրոպական ճարտարապետական ժառանգության պահպանության կոնվենցիայի», Եվրոպայի անվտանգության և համագործակցության խորհրդի կողմից 1991թ. Կրակովում մշակութային ժառանգության հետագա պահպանությունը բարելավելու մասին ընդունած որոշման հիմնադրություններից, Հայաստանի Հանրապետության գիտությունների ազգային ակադեմիան հանրապետության կառավարության հատուկ քննարկմանը ներկայացրեց Թուրքիայի Հանրապետության տարածքում գտնվող միջնադարյան Հայաստանի մայրաքաղաք ԱՆԻի հետագա պահպանության, ուսումնասիրման և, այդ կապակցությամբ, Թուրքիայի Հանրապետության հետ համագործակցություն ծավալելու հարցերը:

ՀՀ ԳԱԱ նախագահության, Երևանի մարզպետարանի և ԱՆԻի պահպանության և ուսումնասիրման միջազգային գիտական կենտրոնի վերոհիշյալ համատեղ որոշման մեջ, մասնավորապես, ասվում էր.

«1. Խնդրել Հայաստանի Հանրապետության կառավարությանը՝ տեղյակ պահել Թուրքիայի Հանրապետության կառավարությանն այն մասին, որ միջազգային հանրության կողմից՝ միջնադարյան Հայաստանի մայրաքաղաք ԱՆԻում պահպանված պատմաճարտարապետական հուշարձանների նկատմամբ ցուցաբերվող հետաքրքրությունն արժանի է ուշադրության, և երկու հարևան երկրները համատեղ ջանքեր պետք է ձեռնարկեն հնագույն քաղաքի ավերակների պահպանության և ուսումնասիրման ուղղությամբ: Այդ բնագավառում Հայաստանի Հանրապետության և Թուրքիայի Հանրապետության համագործակցության առաջին դրսևորումները պետք է դառնան.

ա) 1988թ. դեկտեմբերի 7-ի երկրաշարժից մեծապես տուժած և հետագա փլուզման վտանգի մեջ գտնվող հայ ճարտարապետության մշանավոր կառույցներից մեկի՝ ԱՆԻի Մայր տաճարի (որի կառուցման 1000-ամյակը լրանում է 2001 թվականին), վերականգնումը հայ ճարտարապետների և շինարար վարպետների ուժերով, հայկական կողմի նյութական միջոցների հաշվին.

բ) ԱՆԻ քաղաքի հնագիտական պեղումները կատարող քուրքական արշավախմբի կազմում հայ հնագետների, պատմաբանների, ճարտարապետների և արվեստագետների մասնակցությունը և գիտական-հետազո-

տական ուսումնասիրությունների արդյունքների համատեղ ամփոփումը.

գ) Աճի քաղաքի և կից տարածքներում պահպանված պատմաճարտարապետական հուշարձանների պահպանության գործը բարելավելու և զբոսաշրջիկների սպասարկման արդյունավետությունը բարձրացնելու նպատակով Աճի քաղաքը միջազգային պատմահնագիտական արգելոց-թանգարան հայտարարելը և արգելոցի միացյալ թուրք-հայկական դիրեկցիայի ստեղծելը, որը կկորդինացնի և կղեկավարի Աճիի տարածքում կատարվող բոլոր կարգի աշխատանքները՝ հնագիտական պեղումները, հուշարձանների կոնսերվացումը և վերականգնումը, արգելոցի տարածքի բարեկարգումը, տուրիստական սպասարկումը, թանգարանի կազմակերպումը:

Արգելոց թանգարանն իր մեջ կընդգրկի նաև Հայաստանի տարածքի սահմանամերձ գոտում գտնվող նշանավոր ճարտարապետական հուշարձանները:

2. Նկատի ունենալով հանրապետության ազգաբնակչության մեծ հետաքրքրությունը դեպի Աճի քաղաքը և նրա հուշարձանները, խնդրել Հայաստանի Հանրապետության կառավարությանը թույլատրել Շիրակի մարզպետարանին և Աճիի պահպանության և ուսումնասիրման միջազգային գիտական կենտրոնին հանրապետությունում գործող օրենսդրությանը համապատասխան Թուրքիայի Հանրապետության հետ պետական սահման կազմող գոտում, Մխուրյան գետի ձախ ափին, կազմակերպել դիտահրապարակ զբոսաշրջիկների սպասարկման համար, խիստ անհրաժեշտ ծառայություններով:

3. Հավանություն տալ Շիրակի մարզպետարանի և Աճիի պահպանության և ուսումնասիրման միջազգային գիտական կենտրոնի նախաձեռնությանը՝ հանրապետության ազգաբնակչությանն Աճի քաղաքում և Շիրակի մարզում պահպանված պատմաճարտարապետական հուշարձանների հետ ծանոթացնելու նպատակով ձեռնարկություն ստեղծելու մասին:

4. Հանձնարարել ՀՀ ԳԱԱ պատմության, արևելագիտության և արվեստի ինստիտուտներին՝ Աճիի պահպանության և ուսումնասիրման միջազգային գիտական կենտրոնի հետ համատեղ հրատարակության պատրաստել Աճի քաղաքին և Շիրակի ճարտարապետությանը նվիրված բուկլետներ, ուղեցույցներ և այլոմներ»:

Հայաստանի Հանրապետության կառավարությունը գիտությունների ազգային ակադեմիայի կողմից ներկայացված կառավարության որոշման նախագիծը հանձնարարել էր քննարկել շահագրգիռ կազմակերպություններում և առաջարկություններ ներկայացնել: Սի շարք նախարարություններ և ՀՀ կառավարության աշխատակազմի համապատասխան վարչություններ, քննարկելով ՀՀ գիտությունների ազգային ակադեմիայի ներկայացրած կառավարության որոշման նախագիծը, իրենց առաջարկություններն ու դիտողություններն էին ներկայացրել ՀՀ վարչապետին, որն առանց կառավարությունում քննարկելու, հանձնարարել էր ՀՀ մշակույթի, երիտասարդության հարցերի և սպորտի նախարարությանը, շահագրգիռ նախարարությունների ու կազմակերպությունների հետ համատեղ համակողմանի քննության առնել ներկայացված առաջարկությունները և ընթացք տալ:

Մակյան ցավոք՝ ՀՀ մշակույթի, երիտասարդության հարցերի և սպորտի նախարարությունը 1997թ-ից առ այսօր չի կատարել ՀՀ կառավարության հանձնարարությունը:

Ի տարբերություն շահագրգիռ մյուս կազմակերպությունների, ՀՀ գիտությունների ազգային ակադեմիայի նախագահությունը 1997թ. մայիսի 7-ին կրկին անդրադարձավ իր 1996թ. դեկտեմբերի 11-ի որոշմանը և, ի կատարում ՀՀ կառավարության հանձնարարականի, կայացրեց մի նոր որոշում, որով համապատասխան հանձնարարականներ տրվեցին ՀՀ ԳԱԱ հումանիտար գիտությունների բաժանմունքին և առանձին ինստիտուտներին:

Ընդունվեց ի գիտություն, որ ՀՀ Ներքին գործերի և Ազգային անվտանգության նախարարությունը թույլատրել է և ՀՀ կառավարությունը տվել է իր համաձայնությունը Ախուրյան գետի ձախ ափին, սահմանամերձ գոտում հնագիտական հետազոտություններ կատարել և էքսկուրսիոն նպատակներով սպասարկել ազգաբնակչությանը:

Ընդունվեց նաև ի գիտություն, որ ԱՆԻի պահպանության և ուսումնասիրման միջազգային կենտրոնին թույլատրվել է ստեղծել տուրիստական սպասարկման գիտաարտադրական ձեռնարկություն և սահմանամերձ գոտում՝ սահմանապահ ուղեկալի տարածքում, Ախուրյան գետի ձախ ափին կազմակերպել ԱՆԻ քաղաքը դիտելու հրապարակ ու զբոսաշրջիկների սպասարկման համար առաջին անհրաժեշտության ծառայություններ:

ՀՀ գիտությունների ազգային ակադեմիայի նախագահությունը միաժամանկ հանձնարարեց ՀՀ ԳԱԱ հումանիտար գիտությունների բաժանմունքին.

ա) Զննարկել և սահմանված կարգով առաջարկություն ներկայացնել Հնագիտության և ազգագրության ինստիտուտի կողմից Ախուրյան գետի ձախ ափին՝ սահմանամերձ գոտում հնագիտական հետազոտություններ կատարելու մասին:

բ) Անհրաժեշտ համարել ԱՆԻ քաղաքի քաղաքական, տնտեսական և մշակութային պատմությանը նվիրված տարբեր լեզուներով գիտական գրականության հրատարակումը պետական պատվերի միջոցով և այդ կապակցությամբ սահմանված կարգով ներկայացնել հրատարակվող գրականության ցանկը և ծախսերի հաշվարկները:

Հարց բարձրացվեց ՀՀ Արտաքին գործերի նախարարության և ՅՈՒՆԵՍԿՕ-ի գործերով ազգային հանձնաժողովի առջև՝ ելնելով հուշարձանների և պատմական վայրերի պահպանության մասին գոյություն ունեցող միջազգային փաստաթղթերի ամկայությունից, դիմել Թուրքիայի կառավարությանը 1988թ. դեկտեմբերի 7-ի երկրաշարժից մեծապես տուժած և հետագա փլուզման վտանգի մեջ գտնվող ԱՆԻի Մայր տաճարի վերականգնման, ԱՆԻ քաղաքը միջազգային պատմահնագիտական արգելոց-թանգարան հայտարարելու, ԱՆԻի հնագիտական պեղումներին հայ հնագետներին և արվեստագետներին մասնակից դարձնելու առաջարկությամբ:

Թուրքիայի Հանրապետության տարածքում գտնվող հայկական պատմաճարտարապետական հուշարձանների պահպանության մտահոգությամբ վերջերս հանդես եկան ԱՆԻի Մայր տաճարի հազարամյակին նվիրված գիտաժողովի մասնակիցները: Նրանք 2002 թվականի սեպտեմբերի 24-ին հանդես եկան հատուկ հայտարարությամբ, որտեղ, մասնավորապես, ասվում էր.

«Ելնելով Թուրքիայի Հանրապետության տարածքում գտնվող հայկական պատմաճարտարապետական հուշարձանների պահպանության ներկա վիճակից, միջնադարյան Հայաստանի մայրաքաղաք ԱՆԻի Մայր

տաճարի օծման 1000-ամյակին նվիրված Օշականի գիտաժողովի մասնակիցները դիմում են Հայաստանի հանրապետության և Թուրքիայի հանրապետության կառավարություններին և կոչ են անում համատեղ միջոցառումներ ձեռնարկել Թուրքիայի հանրապետության տարածքում գտնվող հայկական հուշարձանների հետազա պահպանությունն ապահովելու համար:

Գիտաժողովի մասնակիցները գտնում են, որ Թուրքիայի հանրապետության և Հայաստանի հանրապետության կառավարություններն իրեն ժողովրդավարության հետևորդներ պետք է ընդհանուր համաձայնության զան և ելնելով Թուրքիայի հանրապետության ներկա Սահմանադրության պահանջներից՝ պատմական և մշակութային արժեք ներկայացնող ստեղծագործությունների ու հուշարձանների պահպանության, ազգային փոքրամասնությունների և Թուրքիայի տարածքում գտնվող քրիստոնեական ժառանգության պահպանության մասին, ինչպես նաև 1985թ. հոկտեմբերի 3-ին Գերմանայում ստորագրված «Եվրոպական ճարտարապետական ժառանգության պահպանության կոմիտեի մասին» և 1991թ. Կրակովում Եվրոպայի անվտանգության և համագործակցության խորհրդի մշակութային ժառանգության հետազա պահպանությունը բարելավելու մասին ընդունված որոշման սկզբունքներից, համատեղ ջանքերով իրականացնեն Թուրքիայի հանրապետության տարածքում գտնվող հայկական պատմաճարտարապետական հուշարձանների պահպանության և ուսումնասիրման գործը և համատեղ միջոցառումներ ձեռնարկեն այդ բնագավառում:

Անհրաժեշտ է, որ երկու հանրապետությունների կառավարությունները համաձայնագիր կնքեն ապահովելու համար Թուրքիայի հանրապետության տարածքում գտնվող հայկական պատմաճարտարապետական հուշարձանների հետազա պահպանության բնագավառում պետական և հասարակական հարաբերությունների կարգավորումը և այդ կապակցությամբ.

1. Որոշեն Թուրքիայի տարածքում պահպանված հայկական պատմաճարտարապետական հուշարձանների կարգավիճակը.

2. Սահմանեն այդ հուշարձանների պահպանության գործում Թուրքիայի հանրապետության և Հայաստանի հանրապետության համապատասխան պետական մարմինների պարտավորությունները և իրավունքները.

3. Ապահովեն հայկական պատմաճարտարապետական հուշարձանների պահպանությունն ապահովող տնտեսական միջոցառումները և միջոցները.

4. Սահմանեն պատմամշակութային արժեքների ուղղակի կամ անուղղակի վնաս հասցնող գործողությունների համար պատասխանատվության ենթարկելու կարգը.

5. Պատմամշակութային ժառանգության պահպանության մասին Թուրքիայի հանրապետությունում ներկայումս գործող օրենսդրական և իրավական փաստաթղթերի հիման վրա նախատեսեն երկու երկրների հուշարձանների պահպանությունն իրականացնող պետական մարմինների և գիտական հաստատությունների ներկայացուցիչներից կազմված միջպետական մասնագիտական մշտական գործող հանձնաժողովի ստեղծումը.

6. Հաշվի առնելով այն հանգամանքը, որ միջազգային հանրությունն առանձնակի հետաքրքրություն և ուշադրություն է ցուցաբերում միջնադարյան Հայաստանի մայրաքաղաք Անիում պահպանված պատմաճարտարապետական հուշարձանների նկատմամբ, անհրաժեշտ համարել

առանձնահատուկ միջոցառումների կազմակերպումը քաղաքի ավերակների պահպանության ուղղությամբ, դրանով իսկ փրկելով անվերադարձ կորստյան վտանգից:

Գիտաժողովի մասնակիցները գտնում են, որ Աճիի հուշարձանների պահպանման առաջնահերթ և անհետաձգելի միջոցառումները պետք է նպատակաուղղվեն.

ա) 1988թ. դեկտեմբերի 7-ի երկրաշարժից խիստ տուժած հայ և համաշխարհային ճարտարապետության նշանավոր կառույցներից մեկի՝ 1001 թվականին կառուցված Աճիի Մայր տաճարի վերականգնմանը՝ հայ ճարտարապետների ու շինարարների մասնակցությամբ՝ աշխատանքների հետ կապված բոլոր տեսակի ծախսերի կատարումը հայկական կողմի հաշվին:

բ) Աճի քաղաքում կատարվող հնագիտական պեղումների և հուշարձանների վերականգնման աշխատանքներին Հայաստանի պատմա-բաններից, ճարտարապետներից, հնագետներից և արվեստագետներից կազմված խմբին մասնակից դարձնելուն, որը մեծապես կնպաստի հայ և թուրք մասնագետների համագործակցության զարգացմանը:

գ) Աճի քաղաքի և կից տարածքներում պահպանված պատմաճարտարապետական հուշարձանների պահպանության, վերականգնման և այցելուների սպասարկման գործը պատշաճ հիմքերի վրա դնելուն և Աճի քաղաքը միջազգային հնագիտական արգելոց-թանգարան հայտարարելուն և այդ կապակցությամբ արգելոց-թանգարանի միացյալ՝ թուրք-հայկական տնօրինություն ստեղծելուն:

Գիտաժողովի մասնակիցները համոզվում են հայտնում, որ Թուրքիայի Հանրապետության կառավարությունը քաղաքակրթության զարգացման արդի փուլում, երբ առաջին պլան են մղվում համամարդկային արժեքների պահպանման նկատմամբ մարդասիրական նպատակները, կանսա իր վաղեմի հարևանի սույն կոչին և Հայաստանի հանրապետության կառավարության առաջարկությունը կրնդունի որպես մշակութային արժեքները գալիք սերունդներին փախանցելու անկեղծ դրսևորում և մի նոր քայլ՝ երկու ժողովուրդների մշակութային համագործակցության զարգացման ճանապարհին»:

ԾԱՆՈԹԱԳՐՈՒԹՅՈՒՆՆԵՐ

¹ Paolo Cuneo. Les ruines de la ville d'Ani. Un probleme urgent de sauvgarde et de mise en valeur, "Monumentum", 5, 1970, pp. 50-51.

² Նույն տեղում, էջ 70-71:

³ Paolo Cuneo. L'Architettura della scuda regionale di Ani nell' Armenia Medievale, Roma, 1977; Paolo Cuneo. Architettura Armenia, Roma, 1988, toma I, pp. 416-433:

⁴ Paolo Cuneo. Les ruines de la ville d'Ani..., pp. 68-69.

⁵ Լեո. Աճի. Տպավորություններ, հիշատակներ, անցածն ու մնացածը, Երևան, 1963, էջ 15-16:

Резюме

Еще раз о вопросе организации историко-археологического международного заповедника Ани-Ереурык.

Лаврентий Барсегян

Проблема спасения находившихся за рубежом историко-архитектурных армянских памятников, в частности, памятников исторической армянской столицы Ани - одна из важных и тревожных. Возросший современный интерес к памятникам Ани обусловлен их неоценимым общечеловеческим значением.

Каковы причины тревоги, что сделано с нашей стороны в связи с этим и, самое главное, что надо делать: вот круг вопросов, задач, которые затрагиваются в данной статье? В частности, для спасения от гивели армянских историко-архитектурных памятников, находившихся на территории Турецкой республики, еще раз акцентируется важность регулируемых государственных, общественных отношений в этой области, необходимость конкретных совместных шагов в решении этой проблемы.

Summary

Once Again about Organization of the International Historical Archeological Reserve in Ani-Yerevayk.

Lavrenti Barseghian

One of the most important and troublesome problems is to protect and save from destruction the Armenian historical-architectural monuments in Ani, one of the capitals of Historical Armenia. The growth of the modern interest towards the monuments in Ani is connected with their universal historical-cultural value.

Which are the sources of trouble? What have we done for that? What must we do? Here are the questions which are referred to in this article.

In particular, we come to and emphasize once again the importance of regulation of state and social relations in the sphere of protection of architectural monuments in the territory of Turkey, the necessity of doing concrete steps for solution of that problem.